

永和縣志卷十六 藝文錄下

毀馬王神像文

邑令 王士儀

惟神尊居王位廟列衙傍出入往來心甚不妥如誠王爵而爲神也敢褻神於令尹儀門之側如不耳於享此也又何必置神於令尹儀門之側是以簡瀆尊神敬爲焚毀伏冀

升天佑我民社

擬修文廟募啓

邑人 李時懋

聞之禦災捍患先賢多有功德於民類帝禋宗後世每重祀享之典況乎金聲玉振集羣聖之大成陋室卑宮異萬間之廣廈將無魯共壞宅致絲竹之飄零秦政射墻嗟詩書之焚燬此文廟之設所由來也永和背山面壑在崎嶇萬谷之中

釋菜薦芹重春秋二丁之祭里聞絃誦代有科名宿儒橫鼓
篋之經野處續輟耕之錄人敦禮讓俗尙樸誠皆由聖道薰
陶遂致鄉民安謐邇者泮池堙廢淺若蹄涔兩廡荒涼鞠爲
茂草窗櫺半毀樵牧輒入而謳吟瓦壁不完風雨每施其橫
暴將何以上崇四教下慰衆情今擬繕完墻垣丹刻楹桷俾
荒陬之文明不起闕里之條理如聞凡我同人尙相扶助或
出俸餘之絹或分貫朽之錢或捐構屋之材或給在困之粟
務使新宮烏奕慶車服禮器之可觀庶幾舊教振興信江漢
秋陽之莫尙更念精衛填海之勸仿媧皇鍊石之補俾壘山
九仞無覆簣之虧築塔七層有合尖之慶銘心益切

顧首何辭謹陳
管見祈署芳銜

頌邑令王公珊德政碑文

邑人 劉沛

夫南國棠封召伯詎足報青天之恩而東人烏佩姬公總自
申赤子之慕且廟祀韓公萬古之芳徽永著靴留崔帥千秋
之佳話常新歌功頌德自古惟然睹物銘恩匪今伊始我青
天父母王大令具濟世之宏才爲八旗之望族鳬履高騫膺
雷封於芝水牛刀用割撫星好於樓山去年賊匪擾河吉郡
告急秦虜妄想投鞭幾落晉民之胆齊人無端入寇實寒衛
庶之心舉動偶形倉皇黎元之震驚益甚運籌稍有疏忽狐
鼠之窺視必多惟公念切撫綏坐鎮於驚天動地之中而從
容自若民有轉徙剴諭以趨避利害之要而大義凜然當衝

設勇兵以爲防斷險絕賊蹤之來路廣聯保甲以固民心立
誅奸壬以懲醜類是用軍民效力關隘之守禦惟嚴草竊潛
蹤茅簷之樂業如故惟一邑之奠安誠福星之所賜至若堂
譜鳴琴春風士歌雅化案無留牘湛露人被深恩憫三年之
水旱催科則寬限以恤民惜萬姓之脂膏養勇則捐廉以補
乏種種善政更僕難終方期萬里長城永作羣黎之保障不
意陰雨蒙膏深幸黍苗之得天桴月未踰竟詠蓼莪而致政
前茲遮道請留比戶曾殷借寇之願此際選錢

贈別樊轅易勝思別之
懷用鐫硯永誌宏慈

參議員田應璜等呈請永和自上德入鄉賢祀文

呈爲核議山西永和縣故紳自上德入祀鄉賢祠辦法恭呈

仰祈鈞鑒事竊承准國院交大總統發下參議院副議長田應璜等呈請將故紳白上德准予入祀鄉賢祠一案並據該副議長等呈同前情到部查原呈內稱永和縣故紳拔貢選職教諭白上德香山華胄管水儒林踵樂天知命之風膺出類拔萃之選性甘恬淡非薄鄭氏廣文教並知行無忝陽明講席髫齡出就外傳枵腹慰孀母之心綺歲便舉茂才矯首食天家之餼興利鋤弊作邑宰之導師庀材鳩工新宣尼之廟貌以菲食布衣化子姪以嚴性正氣憚鄉閭平鼠牙雀角之爭近村皆片言折獄宏助麥分金之義闔族悉一視同仁邴根矩之徽猷州府於焉虛館王彥方之器識盜賊恥其知

名以古方今未遑多讓當同治紀元之後正回匪寇陝之時
壤接晉秦民恆蹙額河瀕南北家有戒心省憲慮偷渡爲愆
尤營官視鋸船爲政策公以爲晉吏祇知有已徒思作萑澤
之嚴防陝人重去其鄉必不樂桃源之預避旣恐鴟鶚之欲
毀我室不得不存此疆爾界之心又恐鴻雁之欲渡無舟不
敢不阻破釜沈船之計繇是保以闔門百口練以團防萬家
修理黃河燉臺安排朱明巨礮費苦心搯拊者數十次援瑣
尾流離者三千人擊楫中流果然臨凶八月慈航普濟宛似
渡河三呼復恐災黎爭驅攘攘者舟中掬指乃偕戚屬聚守
遲遲於彼岸先登自非仁智之兼全安能措施之允協夫奮

百世者頑懦可立矧在當時活千人者子孫必封況加倍蓀
固知耳鳴陰德門閭之高大堪期脚有陽春蒼昊之報施不
爽曰爲改歲載誕文孫善則降祥徵而可信今雖厯年五十
人猶稱道再三等語本部查核該故紳白上德學有本源志
甘淡泊士林矜式黨里儀型濟困扶危克拯流民之命興利
除弊猶思仁者之言功德被於桑梓崇報允宜旰饔茲旣據
該副議長等呈請入祀永和縣鄉賢祠擬請援照成案暫准
由地方士紳送入該祠自行致祭仍俟功德祠成立時彙案
核辦所有核議請准故紳白上德入祀鄉賢祠辦法是否有
當理合呈請鑒核訓示施行謹呈大總統九年

六月二十四日奉指令呈
悉准如所擬辦理此令

編製村閭文

知事 黃庭槐

爲會呈事竊

知事

同

委員

於民國八年九月召集各村長副到城

將編閭辦法教授完竣後卽從事調查戶口以便編閭事宜

查職縣雖有三百餘村不過三千餘戶最大之村滿四十戶

者僅一二村而已餘則全係十餘戶或四五戶卽成一村又

皆零星散處於山谷之中其勢旣不能按以二十五家爲一

閭之定章而距主村過遠又不便于管理

知事

同

委員

再三籌商

暫行變通辦法計城關及三區共編爲二十八村城關居民
編爲四閭商號編爲兩閭三區共編爲一百八十五閭編定
後卽令各村長協同閭長調查煙民據實報告凡無煙民各

閭均已具第一種互保甘結村長副閭長亦爲煙民家屬具第二種互保甘結其有以前吸煙現經戒斷之人該村人民既不敢深信爲具互保甘結而該民又不肯認爲煙民者卽全行調入煙民調戒所認真偵查查驗後確已戒斷者卽由

知事及委員

給以戒斷證書令各回家安業確未戒斷者除已薄

懲外再編入煙民冊內發給煙民執照暨和平戒煙丸迫令

如期戒斷此外仍恐各村長副有漏未填載之煙民復由

知事

密爲調查隨時調驗總以不漏一人以仰副省長廓清煙毒之至意總計發出煙民執照四百三十張戒煙丸二百料所有辦理編閭暨調查煙民情形理合備文會呈卽祈鑒核

施行

呈報地方亢旱將成災稟文

李鼎新代

呈爲呈報事竊維民人生育全恃五谷而五谷成熟惟賴雨澤雨澤充足則五谷熟而民人育然後教育實業均可資以進行矣近據縣各村全體村長先後報稱自春季二三月間麥苗不旺百草未發民人望雲思雨大有眼將穿而腸欲斷之勢奈雨澤不降日復一日卽有時油然作雲而所下之雨未能沛然在彼時猶可曰天氣尙寒難以騰雲而致雨至四五月以後時入夏令亦有時而雷電交作然傾盆之雨量仍是十分困難況又有驕日以晒之大風以吹之迨至夏麥登場不夠籽種者極多每畝能打五升者實屬寥寥總計夏

麥收成分數第一二兩區尙有十分之一第三區不過百分之七八而已現在時屆七月立秋節至而雨澤仍然缺少計夏季四五六三月內所下之雨次數固然不少而最大雨量終未過一寸以上秋禾誤種者無論矣凡蜀黍黑白豆黍稷高粱山芋之已種者又因日晒風吹均形枯萎晚禾如菰蕎二麥均未下種而且野無青草難牧牛羊地少棉花難防冷凍刻下麥子每石價洋十五六元之譜谷子白黑豆蜀黍等糧每石價洋亦在八九元左右現已夏麥歉收秋成勢將絕望如果宿麥下種則開倉賑濟民命尙堪維持倘再逾一月不落透雨宿麥又誤人心更形惶恐生計實無法維持似此

旱象已成民不聊生各情形理合報告知事卽乞轉呈上奉
派員勘查以便設法救濟等情據此知事當卽派委各段覆查
員於上月覆查村範時詳細調查以便轉報嗣據回稱確係
實情除嗣後有無透雨臨時呈報外所有職縣境內夏麥歉
收秋禾枯萎及現在尙無透雨各情形理合據實呈報
賦

卽祈鑒
核施行

靈液泉賦

有序

邑令王士儀

管子曰水者地之血氣如筋脈之通流者也故曰水具材也
夫水淖約以清而好灑人之惡仁也視之黑而白精也量之
不可使概至滿而止正也性無不流至平而止義也人皆赴

高己獨赴下卑也卑也者道之室王者之器也而水以爲都
居永和之水源出仙芝唯靈液泉清流不竭春甘夏冷秋肅
冬溫四時之氣備矣老子曰上善若水其斯之謂歟故作賦
曰惟天一之素質溢大造之清涼不爭而利兮不澄而光不
鑿而飲兮不激而揚源從仙谷混自洪荒附月德兮汨汨循
時序兮洋洋沃日浮天居然湖海而自照坼陰開竇不假江
漢以成章斯以知天地之生物不測益可信山川之毓秀無
疆想其液生坎澤位列北方霞蔚雲蒸兮鬼神爲之呵護風
迴波折兮蛟螭賴以徜徉涵精潔於太虛兮寒泉冽食閱滄
桑於人世兮源遠流長彼固利養無窮匪以不食爲我心惻

總之汲收勿幕不緣往來嫌彼趨蹌願乃溯洄而出之幽谷
爰是澎湃而溉之平陽奔注豈隨夫川瀆靜深不貫於沅湘
有時洶湧經天爲參猿分野之所有時潛流行地爲神龍窟
宅之鄉乃若形明皓月氣肅嚴霜吹玉葉而將落泛金波而
共茫媚漣漪兮柳浪裊湛露兮荷香渡蟾魄之兔輪兮不聞
濡軌映織女之鵲駕兮遙見凝妝至於居冬旺泌幽芳蔭地
軸窮扶桑演漾必滋於弱水氤氲更襲夫穹蒼莫議有本想
積石難爲之砥柱孰能比肖測天河堪與之低昂是宜以靈
液之號居馮夷之房衆曰大成王明並受其福爰可用汲君
子勞民勸相豈僅爲生民之樂利且以下世運之光昌矣

疏

送子觀音疏

王士儀

慈悲廣大長生天上麒麟願力縱橫永註人間鸞鷺手中甘露遍洒十方餅內楊枝盡垂三界紫竹林之龍女五十三參普陀岩之孩兒百千萬劫茲當仲春二月恭逢望九芳辰謹潔齋壇用申慶祝貝多葉上朗宣無字眞言木魚口中度出衆生妙諦伏願恩垂初地慧庇華嚴觀世尋聲

個個入毗盧覺海指揮如意人人登般若慈航矣

詩

送永和縣令湯自新

明薛瑄
河津人
文清公

羨君初拜九天恩銅墨之官喜氣新一路好山迎去馬二陵

時雨過行塵花封舊有唐風厚政績當如漢吏循

戎亦趨朝應有日
佇看名譽達楓宸

永和八景步前人韻

明邑令失名

靈液清波 晚涼池上絕芬埃山色如屏面開靜影漫隨

波蕩漾瑩光閃映月徘徊卽看赫尾湍流急信

有源頭活水來驚亂蘆汀
沙上雁一聲漁笛起蒿萊

雙山霽雪 雪山雙聳勢岩嶢怪石皴層凍未消瓊島平分

隔煙海玉峯高起出雲霄靚粧林外塗山寺素

練溪邊掛小橋猿鶴也知
樵徑滑梯雲直上空岑遙

興化晨鐘 野寺尋幽苔徑斜疎鐘隱隱落天涯客中敲墜

愁邊月夢裏撞殘筆上花響入雲岩驚宿鶴音

設林杪乳啼鴉乘風直達
遙空表喚起天關放日華

南樓夕照 夕照回光映上台南風影裏翠屏開山啣落日

雲拖去鳥背殘陽風送來暝色自隨煙滅沒餘

霞猶共嶺徘徊層巒疊嶂
偏宜晚此外雲峰空自堆

官莊送客 長亭煙柳掛朱輪北使南旋自水濱啼鳥有情

留去客落花無語怨離人聽殘野吹催詩急唱

微陽閣勸酒頻好把征鞍
載行色天涯何處是相親

芝河釣艇 山自青青水自流碧溪清淺夜橫舟滿川明月

雲初破迫岸輕風簪未收蘆港靜時聞玉笛柳

塘深處起沙鷗隔林漁唱
煙波晚短棹衝寒下渡頭

蓮池晚眺 孤吟倚遍碧欄杆眺晚閑登紫翠間風景縱觀

頻杖履家鄉歸路阻河山花邊水榭連春寂竹

外柴扉趁月關目漸白雲
天濤濤棲鴉飛去復飛還

烏龍翠柏 凌霜傲雪幾經年翠態憑虛上矗天蒼色雨餘

青入黛碧濤風動翠生煙繁枝籠鶴潛華表老

幹盤龍跨澗前百竈濃陰
千尺嶺春來秋去周依然

明隆慶年訓導張光裕和前韻

靈液清波 涓涓流液絕纖埃風約青萍幾度開寶劍影分